



Kalaallit Nunaanni nappaammik kræftimik akiuniarfik
Kræftens bekæmpelse i Grønland

Ukiumoortumik nalunaarut 2012
Årsberetning 2012



IMARISAI – INDHOLD

AALLAQQAASIUT / <i>Forord</i>	3
SIULERSUISUT / <i>Bestyrelse</i>	3
SIULERSUISUT ATAATSIMIINNERI / <i>Bestyrelsesmøder</i>	4
SIULERSUISUT ATAATSIMIINNERINI OQALUUSERISAT AALAJANGIUSSALLU / <i>Indhold og beslutninger på besty- relsesmøder</i>	4
SIULERSUISUT NAAPILLUTIK ATAATSIMIINNERAT/ <i>Bestyrelsens samling til møde</i>	4 - 5
UKIUP SINNERRANI ATAATSIMIINNERIT <i>Bestyrelsesmøder resten af året</i>	6 - 8
DK-MI KRÆFTENS BEKÆMPELSE-P ATAATSIMIINNE- RANI PEQATAANISSARALUAQ / <i>Ikke deltagelse på Kræftens Bekæmpelses landsmøde i DK</i>	8
QEQQANI OQALOQATIGINNITTARTUNIK PIKKORISSAANEQ <i>Kursus for samtalepersoner i Midtgrønland</i>	8 - 9
KALAALLIT PEQQISSARTUT ILLUANNIK SULEQA- TEQARNEQ / <i>Samarbejde med det grønlandske Patienthjem</i>	9 - 10
NERIUFFIIT KATTUFFIATA PEQQISSUTSIMULLU NAALA- KKERSUISQARFIUP ATSIOQATIGIINNERA/ <i>Partnerskabsaftale mellem landsforeningen og Departementet for Sundhed</i>	10
NUNA TAMAKKERLUGU KATERSUINIARNEQ / <i>Lands- indsamling</i>	10 – 11 - 12
IMMIKKOORTORTAQARFIIT / <i>Lokalforeninger</i>	12 - 13
QUPPERSAKKANIK SAQQUMMERSITSINEQ / <i>Udgivelse af nye pjecer</i>	14
TAPISSUTIT LEGATIT / <i>Legater</i>	15
KATTUFFIMMUT IMMIKKUT TAPISSUTIT / <i>Særlig økonomi sk støtte til landsforeningen</i>	15
NAGGASIUT / <i>Afsluttende ord</i>	15



AALLAQQAASIUT

Matumuuna Neriuffiit Kattuffianni siulersuisut saqqummiuppaat ukiumut 2012-mut nalunaarusiaq ukiup ingerlanerani Neriuffiit Kattuffiata ingerlatsisimanera aammalu nammineq piumassuseq aallaavigalugu suliniarnerup ukumi 2012-mi qanoq ingerlasimanera nalunaarutigineqassalluni.

Pisarnertut Neriuffiit Kattuffianni 2012-mi suliniarneq pisimasoqarfialluarpooq neriuuppugullu ukiumut nalunaarusiamik nassitsiffigisartakkagut nalunaarusiamut pissarsilluarumaartut. Immikkoortortaqarfiiit saniatigut nalunaarusiaq makkununngaa nassiussuunneqassaaq: Napparsimaveqarfinnut, suliffeqarfinnut suleqatigisartakkatsinnut, Peqqissutsimut Naalakkersuisoqarfimmuit, Kommuninut, politikkikkut partiinut, inunnnullu ataasiakkaanut

SIULERSUISUT

Ukioq 2012 aallartippoq ima siulersuisut inissisimallutik:

Siulittaasoq Johanne Olsen, Nuuk,

Siulittaasup tulla Marius Olsen, Sisimiut

Aningaaserisoq Kristine Sandgreen Gedionsen, Aasiaat,

Immikkoortortaqarfinni siunnersortaapput:

Avannaani – Sisimiuniit Avannamut: Sofie Mathiassen , Sisimiut

Kujataani – Maniitsumiit Kujammut – Tunumilu: Rasmine Hansen, Qaqortoq

Oqaloqatiginnittartuni siunnersortaavoq:

Nuna tamakkerlugu: Sara J. Brandt, Aasiaat

Sinniussussatut inissipput Theo Kruse, Narsaq aamma Pavia Andreassen, Nanortalik



SIULERSUISUT ATAATSIMIINNERI

Ukiumi 2012-mi siulersuisut oqarasuaatikkut ataatsimiipput arfineq pingasoriarlutik imminnullu naapillutik Nuummi ataatsimiipput ataasialrutik.

SIULERSUISUT ATAATSIMIINNERINI OQALUUSERISAT AALAJANGIUSSALLU

2010-mi ataatsimeersuarnermi aalajangiiffigineqarput ukiuni pingasuni tulliuttuni suliniutissat angu-niagassallu ilaatigut makkusut:

- Kattuffik illutaarniartariaqarpoq
- Oqaloqatiginnittartoqarnerup nukitorsarneqarnissaa
- Oqaloqatiginnittartunik siunnersortip sinerissami angalasarnissaa
- Napparsimasut angerlarsimaffiata Brønshøj-miittoq suleqatigineqarnerunissaa
- Inuit amerlanerusut anguneqarnissaat
- Quppersakkat amerlanerusut saqqummersinnissaat
- Napparsimasut atugaasa ajornartorsiutaneri quilliunerusunut anngunneqarluartarnissaat

Ukioq 2012-p aallartinneraniit siulersuisut ataatsimiittarnerminni pingaarnertut makkua oqaluuse-raat aalajangiiffigalugillu:

- Kattufimmi tusaatiortussatut imminut neqeroorutigisoq Bikki P. Kleist nalunaarfigineqarpoq neqeroorutaa siulersuisut imminut naapillutik ataatsimiinneranni aalajangiiffigineqassasoq.
- Aalajangiunneqarpoq Qallunaat Nunaanni KalaallitPeqqissartut illutaassaannut Kattuffimmiit tunis-suteqarnissaq, suunissaalu siulersuisut imminut naapillutik ataatsimiinnerminni aalajangiiffigi-neqassasoq
- Nalunaarutigineqarpoq Neriuffiimmun tunngasumik taalliortoqarsimanera aammalu siullermeertumik Tusaat Aasiaat aammalu KNR suleqatigillutik aallakaatitsimmata pingasunngorneq 25.01.2012 radiukkut tusartinneqartoq
- Nalunaarutaavoq quppersakkat arfinillit nutserneri ilusilorsornerilu naammassisut ataatsillu naam-massinissaa utaqqineqartoq naqitertinnissaannut.

Siulersuisut imminut naapillutik ataatsimiinnerminni makkua oqaluuseraat aalajangiullugillu:

Ataatsimiineq pivoq Nuummi 22.-23. februar 2012

 <p>Siulersuisuni ilaasortat: Nikorfasut: Marius Olsen, Johanne Olsen, Kristine Sandgreen, Sofie Mathiassen Issiasut: Sara J. Brandt, Rasmine Hansen</p>	 <p>Ataatsimiinnermi imaqaarniliortuuvoq allaffimmiorput Juliane Dalager aqutsisuuvorlu Siverth Lynge.</p>
---	--

- Ukiut 2011-mut nalunaarusiaq sukumiisumik misissorneqarluni iluarsiissuteqarfigineqarlunilu oqaluuserineqareerluni akuersissutigineqarpoq.
- **Ukiuni pingasuni tulliuttuni suliniutissatut pingaarnersiuinermik siunnersuusiorneq**
 - A. Siunnersortit angalasarnissaanik kissaateqarneq killilerneqartutut eqqartorneqarpoq, aamma angalanissamut Kattuffiup ukiumut aningaasartuutinut ilaatinneqarneq ajormata, aammalu angalasarnissamut atatillugu angalasussanut inuup nammineq piumassutsiminik suliniartut nammineq sulinngiffittut atugassai annertuvallaqimmata aammalu aningaasatigut inissisimaneq taamatut massakkuugallartillugu imminut akilersinnaanngilaq siunnersortit angalasarnissaat.
 - B. Kattuffik inuaqatigiinnik sullissisuummat, allatuulli peqatigiiffittut qullersaasuniit taperne-qartarnissaa ujartorneqartariaqarpoq, taassumalu Nuna tamakkerlugu ataatsimeersuarnermi saqqummiunneqarnissaa aaliangiunneqarpoq.
 - C. Kattuffik/Immikkoortortat namminneq suliniarnermikkut Peqatigiiffilerinermik pikkoris-sartoqartarnera ujartortassavaat, kisiannili piffiit apeqquaapput Kommunemiit qanoq ingerlasoqarnersoq
 - D. Nuna Tamakkerlugu ataatsimeersuarnissaq 2013 tikitsinnagu misissorneqassapput: Qaammar-saanermut inatsit. (Kattuffiup misissugassaa) aamma Inulerinermut inatsit (Kattuffiup misis-sugassaa).

Kattuffiup illutaarniarnissaanik suliap ingerlariaqqinnissaanut siunnersuut.

CSRG-mut nalunaarutigineqarnikuupput Neriuffiit Kattuffiata allaffik aammalu arkivrum-meq allallu pisariaqartut tamarmik nalunaarutigineqarnikuupput qanoq angitigisoq allaffik Kattuffiup atorfissaqartinneraa.

Suliniummut Neriuffiit Kattuffiata peqataanissaa siulersuisunit akuersissutigineqarpoq.

Aammataaq ilaatigut makkua aalajangerneqarput:

Partiit siulittaasuinik qaaqqusinissamik siunnersuut ilaquaasut angalaqataasarneri pillugit.

Partiit siulittaasuisa naapinnissaat kinguartinneqarpoq siulersuisuni eqqartoqqaarneqarnissaa pisaria-qarmat, taamaammat kingusinnerusukkut Partiit siulittaasui qaaqquneqarnissaat aaliangiunneqarluni. Partiit siulittaasuisa aggersarneqarnissaanut oqariartutissat toqqammavilersoneqassapput.

Kræftens Bekæmpelsemik suleqateqarnerup anisimanerullu nalileqqinnissaa.

Kræftens Bekæmpelse-miik anisimaneq ulloq manna tikillugu suut iluaqtigineqarsimanersut aammalu suut iluaquaasimannngitsut naliliiffigineqarnissaat kissaatigineqarmat aaliangiunneqarpoq Nuna Tamakkerlugu Ataatsimeersuarnissamut nassuiaaqarteqarfigineqarnissasoq.

Søren Alaufesen saqqummersitassaata tapersorsorneqarnissaa aalajangiunneqarpoq

Neriuffik pillugu erinarsuusiap DVD- tut immiunnissaanut aningaasartuutissanut qinnuteqaat. DVD-liortussat missingersuusiaannut 35.000,00 kr.niusunut 10.000,00 kr.-nik Kattuffiup tapiinissaat aaliangiunneqarpoq. (Kingusinnerusukkut tapiissut qaffanneqarpoq)

Qallunaat Nunaanni Iluartut Ulluanni naalagiarnermi ileqquusup ukiup kingulliup ingerlanerani toqukkut qimaguttut aqqisa taaneqartarneri aamma Kalaallit Nunaanni atuussinnaaneranik siunnersuut. *Taanna ilanngussaq Ilagiinnut (Biskop-mut) Kattuffimmiit siunnersuutigineqassaaq.*

Oqaluuserisat sinneri aalajangiussallu siulersuisut imminut naapillutik ataatsimiinneranni 22.-23. Februar 2012-meersumi imaqarniliami atuarneqarsinnaapput.

Ukiup sinnerani siulersuisut ataatsimmiittarnerminni makkua oqaluuseraat aalajangiullugillu:

Tunisisunut tunniuttagassap oqaasertassatut uku aalajangiunneqarput:

"Inuunerup aqqutaa allanngorartuartuuvoq". / "Livets vej er foranderligt"

Kattuffimmut aningaasanik annertuumik tunisisunut takussutissap isikkussaa Johanne-p nassuiarpaa inuuneq qummut ammut sanimut ingerlasarmat tulluutssismallugu assiliartaa.

Tamagiinnik isumaqatigineqarpoq akuerineqarlunilu.

Neriuffit Kattuffiannit immikkut tusaatilornermi tusaatip taaguutissaanik siunnersuut: Tusaatiliortumit siunersuutigineqarpoq: Inuunerput – Vores liv.

Neriuffit Kattuffiata tusaatiliornissaanut suliarinnittup siunnersutaa allamik taarserneqarpoq tassalu aviisi taaguuteqassaaq.: Neriuffiup Kattuffianiit nutaarsiassat.

Københavnimi Kalaallit Peqqissartut nutaamik illutaarneranni suut tunissutigineqassappat?

Atoqqaarfissiorneq pissaaq 11. Maj 2012.

Neriuffiup Kattuffianiit 25.000,00 kr. tunissutetqarnissaq aaliagiunneqarpoq


Siulersuisut imminnut naapillutik oqaluuserisaat saaffiginnittarfimmik oqarasuaateqarnissamik paa-siniaaneq.

Sara J. Brandt-p suliassaq ingerlakkamiuk Paarisa-mut paasiniaasimavoq oqarasuaatit toqqaannartut 146 aammalu 141 aamma kræftimik napparsimalersut ilaquaasalu atorsin-naaneraat, tamannalu ajornartin-neqarsimavoq, pissutigalugu telefuunit atorneqartut tamaallaat meeqlanut inuusuttuaqqanullu atorneqlunneqarsimasunut aammalu imminoornermik eqqarsaatilinnut nalaataqarsimasunullu tamaallaat atugassiaammata.

Taamaattoq inanneqarsimalluni Neriuffik nukittummat namminneq suleqatissarsiornikkut tamanna piler-sissinnaammagu Kattuffiup, tamaattorli Sara ujartueqqissaaq qanoq iliortoqarsinnaaneranik.

Oqaloqatiginnittartunik pikkorissaanissap piareersarnissaa

Nuummi ingerlanneqartussaavoq 22. 23. 24.-anilu Maajip ukunanngaanniik pikkorissartoqassaaq Sisimiut Maniitsoq, Kangaamiut, Nuuk, Qeqertarsuatsianiillu, pikkorissarnermut Sana-mi sulisut aamma pikkorissaanermi peqataasinnaaneranik neqoroorfingineqassapput.



Nuna tamakkerlugu katersuiniarnissamut eqquiniutissamik Air Greenlandimi billetsisissutissamik nammineq pisinissaq siunnersuutaavoq.

Ukioq manna misiligummik Neriuffit Kattuffiat Nuna Tamakkerlugu katersuiniarnissamut siullermeerluni nammineerluni Air Greenlandimiit inunnut marlunnut angalanissamik pisissaaq tuniniagassatuut nuna tamakkerlugu takorluukkamik, lodseddel ataaseq 50,00 kr.-lerlugu lodseddel-t sanatinneqassapput kingusinnerusukkullu immikkoortortaqarfinnut nassiuusuunneqassalutik.

Aamma Arctic Umiaq Line-miit inunnut marlunnut angalanissamik Kattuffik tunisippoq initialimmik Arctic Umiaq Line-mi angallaviit tassalu Ilulissaniit Qaqortoq angullugu taakkua akornanni aamma angalasoqarsinnaavoq, taannalu aamma lodseddel-tut tuniniarneqassaaq Nuna Tamakkerlugu. Lodseddel-t tamarmik suliarineqassapput ataaseq 50,00 kr-lerlugu akiginiarneqassalutik.

Oqaloqatiginnittartuni siunnersorti Sara J. Brandt aammalu allaffimmiorput DK-mi Kræftens Bekæmpelsip ataatsimeersuarnerani peqataapput aammalu Kalaallit Peqqissartut Illuata nutaap Københavnimiittup pisortatigoortumik ammaanersiorneqarnerani allaffimmiorput peqataallutik. Checki 25.000, kr tunissutigineqarpoq. Sara J. Brandt ammaanersiornermut peqataanngitsoorpoq angalaneq kinguaatoormat.

Søren Alaufenenip DVD-liornissaanut aningaasartuutissat sinnerinut tapiissuteqarnissamik siunnersuut.

CD/DVD-liornissamut aningaasat qinnuteqaatit amigarneri Kattuffimmiit matussuserneqassasut aalijangiunneqarpoq, CD/DVD-liortussat nalunaarfigineqassapput suliassaq ingerlanneqarsinnaalersoq. Aningaasat akuersissutigineqartut 5.500,00 kr.-upput.

Eqquinuitissat.

Eqquinuitissat Nuna Tamakkerlugu katersuiniarnermi atugassat suliarineqarnissat allaffimmiit aammalu Sara-miit isumagineqassasut aaliangiunneqarpoq.

Taakkualu piaartumik suliarineqarnissaat isumagineqassalluni.

Tamalaat.

Deloitte-kut nalunaarutigivaat immikkoortortat ukiumut akiliineq ajortut assut isornartoqartillugit.

Neriuffiup Peqqissutsimullu Naalakkersuisoqarfíup suleqatigiinnissamik isumaqatigiissutissaanut Naalakkersuisoqarfímmiit siunnersuut.

Peqqissutsimut Naalakkersuisoqarfímmiit suleqatigiinnissamik isumaqatigiissutissat (Partnerskabsaftale) Neriuffiit Kattuffiata allassimanissaa iluarsillugu immikkoortortaqarfíillu suleqataarusussinnaanerannik naatsorsuutigalugit Naalakkersuisoqarfímmut utertinneqassaaq.

Tusaat Peqqippoq pillugu tusarniaaneq

Tusaat Peqqippoq pillugu suliniartoq, Kattuffimmut saaffiginnippoq suleqatigiinnissamik neqoroorluni, Kattuffik annonce-mik ilanggussisinnaasunngorlugu, tamannalu siulersuisuniit qujarunneqarpoq.

Qallunaat Nunaanni Kræftens Bekæmpelsemik suleqateqarnissamik siunnersuutit.

Siulittaasoq aasaq Dk-miinnini iluatsillugu Kræftens Bekæmpelse-mut pulaarpoq ataatsimeeqatigalugillu, aammalu assigiimngitsunik eqqartueqateqarluni, iluatsillugulu suleqatigiinnissamik isumaqatigiisummik suliaqarlutik. Aalajangiunneqarpoq suliniutissatut isumaqataaffigineqartut nalunaarutigineqarnissaat.

Kalaallit Peqqissartut Illuanni Qallunaat Nunaanni paasissutissiinermi saqqummiukkusutat.

Kalaallit Peqqissartut Illuanni qanoq ililluni Neriuffiit Kattuffiata nittartagaanut iserluni nammineq quppersakkanik aniatsitsitsinnaanermik allaffiminngaannik nalunaarfigineqassapput, namminneq atorfissaqartitatik aniatissinnaasaraat.

Kattuffiup Malittarisassai nassiunneqassapput mail-kut ersarissumut nivinngangassanngor-lugit, napparsimasunut tamaginnut atuarneqarsinnaasunngorlugit.

Visit-kort Sara-p suliareriarlugu Kalaallit Peqqissartut illuanut nassiuutissavaa

Tamalaat.

Legatinik tunisisarneq sammineqarpoq. Tassa ilaannikkut qinnuteqaatit takkussinnaasarput inummut ataatsimut nappaat siaruaassimasoq taamalu arlariinni nappaat tussimasarluni soorlu tartukkut/puakkutigoorut imaluunniit Aqajaqqukkut/Puakkut allaqqasartumik, taassumalu apeqqusersimavaa inummut taamatut napparsimasumut qinnuteqaat marloriaammik tunniunneqartassanersoq, kisiannili aalijagiunneqarluni nappaat atsaat kingorna takkuteqqikkaangat tunineqaqqissinnaasoq.

5. september 2012:

Nuna tamakkerlugu katersuiniarnissaq

Qulequtaq IKIOQATIGIITTA aalijagiunneqarpoq

Aningaasat anguniakkat 700.000,00 kr. aalijagiunneqarput.

Normunik eqquiniaatsitsisoqassaaq.

Peqqissutimut Naalakkersuisoq aperineqassaaq Neriuffiit Kattuffianut illersuisussatuut inissisimasinnaanersoq.

Tusagassiutinut nalunaarfissat soorlu aviisi Sermitsiaq/AG-lu aamma KNR Radio-Tamassa KNR TV

Saqqumilaarnissaq kissaatigineqarpoq.

Quppersakkat saqqummersitat nutaat avammut saqqummiunneqarnissaat.

Quppersakkat takkuppata ukioq manna Aasianni saqqummersinneqassapput

Qarasaasiakkut (Facebookikkut) Neriuffiit Kattuffiat ilanngunneqarnissaanut siunnersuuteqartoq attavagineqassaaq, allaffimmuit malinnaasinnaasoqassappat atsaat suliassaq suliarineqarsinnaasoq. Qanoq tutsuiginartiginera apeqqutaassaaq.

Apeqqutigineqassaaq Neriuffiit Kattuffiata nittartagaa suliarineqartarsinnaanersoq pisariaqarfia-tigut, nittartakkamik suliarinnikkusuttoq saaffigineqassaaq.

Lodseddel-it (normut makitassat) sapaatip akunnera 44 ilanngullugu tuniniarneqassapput qaammatip naanera iluatsigalugu, taava uge 45-mi makitsineqassalluni.

Søren Alaufesen-p sulia siullermik Cd-tut saqqummissaaq kingusinnerusukkut atsaat DVD-ngorlugu saqqummiunneqassaaq.

Aasianniit Tusaat aqqutigalugu quppersakkanik atuaasussap akissarsiassai.

Tusaat Aasiaat peqatigalugu quppersakkanik atuaasussaaq akissarsitinneqassaaq 2.000,00 kr.

Siulersuisut aaliangerpaat akuerineqassasoq.

Tele Greenland aqqutigalugu oqarasuaatikkut aningasanik katersinissaq ammareerpoq.

TELE Greenland aqqutigalugu katersuiniarneq aallartippoq, ajoraluartumilli kingusinaartumik

Taakkuupput ukiup 2012-p ingerlanerani siulersuisut ataatsimiinnerminni oqaluuserisimasaasa aalajangiiffisimasaasalu ilaat. Atuarneqarsinnaasutut ukiup ingerlanerani saaffiginnissutit aalajangiiffisassallu ikittuinnaasimannngillat siulersuisunilu sulineq imaqarluarsimalluni.

Ataani ukiup ingerlanerani pisimasut ingerlaavartitallu immikkut nalunaarusiarineqarput assitalertarlugit.

DK-MI KRÆFTENS BEKÆMPELSE-P ATAATSIMIINNERANI PEQATAANEQ

Ukiut tamaasa pisarnertut DK-mi Kraeftens Bekæmpelse-p ataatsimmersuarnissaminut Neriuffiit Kattuffiannit peqataasussamik ataatsimik qaaqqusivoq.

Aalajangiunneqarpoq oqaloqatiginnittartuni siunnersorti Sara J. Brandt allaffimmiorpullu Juliane Dalager peqataassasut.

Kraeftens Bekæmpelsip ataatsimeersuarnissaata qujanartumik nalerorpaa Kalaallit Peqqissartut Illutaavata Omøgademiittup pisortatigoortumik ammaanersiorneqarnissa. Ataatsimeersuarnermut peqataajartortut ajuusaarnartumik Kalaallit Nunaanni silarlummik eqquaapput Sara J. Brandt-ip angumerinngila Kalaallit Peeqissartut illutaavata pisortatigoortumik ammaanersiorneqarnera kisiannili Kraeftens Bekæmpelsip ataatsimeersuarnerani peqataavoq. Juliane Dalager angumersivoq Kattuffiillu oqaaseqaatigiumasat peqataasunut atuarlugit.

QEQQANI OQALOQATIGINNITTARTUNIK PIKKORISSAANEQ

Kujataani oqaloqatiginnittartunik pikkorissaaneq Nuummi ingerlanneqarpoq Pikkorissaaneq ingerlanneqarpoq majip 22-ni, 23-ni aamma 24-ni 30-ni Nuummi, Sømandshjemmemi, tarnillu pissusaanik ilisimasalik Naja Lyberth pikkorissaasuuvooq.

	
Pikkorissaasoq Naja Lyberth	Pikkorissaqataapput: Maniitsumiit Hansignaaraq Kangaamiuniit Nuummiit Juliane Dalager Sisimiuniit: Aammalu =>

	
Nuummiit: Johanne Olsen aamma Karen Josefsen.	Oqaloqatiginninnermik sungiusarneq

Piffissap ullumik ataatsimik ilanera assut nuannaarutigineqarpoq.


Pikkorissaanissap aaqqissorneqarneranut suleqataapput oqaloqatiginnittartuni siunnersorti Sara J. Brandt aammalu allaffimmiorput Juliane Dalager. Taakkua qutsavigaagut.

KALAALLIT PEQQISSARTUT DK-MI ILLUANNIK SULEQATEQARNEQ

Kalaallit Peqqissatut Illuat, Omøgademiittoq Københavnimi Neriuffiit Kattuffianniit qanimut suleqatigineqarpoq pingaartumik Kræftemik nappaateqalersut Kalaallit Peqqissartut Illuanni najugaqartut tapiisummik legatimik, qinnuteqarnerisigut tunineqartarnerisigullu Neriuffiit Kattuffianni allaffiup, Kalaallit Peqqissartut Illuannilu inunniq isumaginninnermik atorfilik toqqaannartumik attaveqaqatigiittarput.

Aasaq siulittaasup Qallunaat Nunaanniinni iluatsillugu Kalaallit Peqqissartut Illutaavat pulaarpaa Neriuffiullu Kattuffiata ingerlaneranik paasissutissiilluni.

Paasissutissiineq ingerlanneqarpoq 5. Juli 2012

		
Paasisitsiniaanermi peqataasut ilaat	Nerisarfik ajornanngitsumik or-ninnejarsinnaasog	Ineeqqat ataasiuttarissat unnuisqarfiusinnaasut.

Naalakkersuisuniit Inuuneritta pillugu tusarniaanermi Neriuffiit Kattuffianniit oqaaseqaat nassiu-neqarpoq.

NERIUFFIIT KATTUFFIATA PEQQISSUTSIMULLU NAALAKKERSUISOQARFIUP ATSIOQATIGIINNERAT

Neriuffiit Kattuffiat Peqqissutsimullu Naalakkersuisoqarfik suleqatigiinnissamik isumaqatigiissuteqarput. (Partnerskabsaftale).

Atsioqatiginneq Naalakkersuisoqarfimmi ingerlanneqarpoq nuannersumik ulloq 2. Oktober 2012

	
Johanne Olsen aamma Peqqissutsimut	Naalakkersuisoq Agathe Fontain

NUNA TAMAKKERLUGU KATERSUINIARNEQ

Ukioq 2012 nuna tamakkerlugu katersuiniarneq ingerlanneqarpoq sapaammi oktoberip arfineq aappaani. Immikkoortortaqarfiiit nunaqarfittaalu pisarnertut peqataalluarpuit.

Ukioq 2012 katersuiniarnermut qulequtaritinneqarpoq **"Suleqatigiinneq"** aningaasallu **700.000,- kr** isertitassatut siunniunneqarlutik.

Immikkoortorqarfinni, illoqarfinni nunaqarfinnilu Avannaani Kujataani allatigullu katersuiniarnerit ima isertitsiviusimapput. Sanilliullugit kisitsisit 2011-meersut ilangunneqarput:

Sumi	2011	2012
Kujataani : Nanortalimmiit Maniitsumut	427.101,00 kr	284.356,45 kr
Avannaani : Sisimiuniit Siorapalummut	260.746,75 kr	275.451,72 kr
Oqarasuaatikkut ketersineq	Katersinissaq iluatsinngilaq	
Inuit ataasiakkaat	1810,50 kr	2070,00 kr
Katillugit	689.658,25 kr	561.878,17 kr

Ukioq manna nuna tamakkerlugu katersat apparnerannut pissutaaqataavoq ullormi katersuiniarfiusumi piffinni arlalippassuarni silap ajornerujussua. Imaliliorluni anorersuarsimavoq illumiiit illumoornermi iluatsitsisoqarpiaqsimanani aammalu binngortitsinerni inukinnerusimalluni.

Najugaqarfiit immikkuutitaarlutik isertitsitaat takuneqarsinnaapput Kattuffiup naatsorsuutaanni kukkunersiorneqarsimasuni.


Nuummi Nuna tamakkerlugu katersuiniarnermit assit:

		
Illumiit illumut takersinermi peqataapput Demokratini inatsisartuni ilaasortat soorlu Jens B. Frederiksen. Naatsorisunut peqataavoq ilaatigut Birthe Lyng	Ukiut tamaasa katersuiniarnermi aqutsisuulluartartoq Gunnar Petersen aammalu suleqataasoq Augustine Fleischer	Ukioq manna aamma Grønlandsbankip ajunngisaarluni 1 time sinnerlugu sapaammi ammatitsineratigut Nuummi illumiiit illumoornermi isertitat aggorsimasortaat ag-gorsimasunik kisitsivimmi kisinneqarput.

*Nuna tamakkerlugu katersuiniarnermi ikuuttut, tapiissuteqartut
tapersersuisullu tamaasa qamannga pisumik qutsavigaagut.*

Ukioq manna katersuiniarnermi illersuisuuvoq peqqissutsimut naalakkersuisoq agathe fontain

Eqquiniummik makitsineq ingerlanneqarpoq Neriuffiit Kattuffiata allaffiani, makitsisoralugu NUISI-mik piginnittooq Najaaraq Schmidt, taassumallu quppersakkat ilusilersornikuuai. Makitsinermi ikiuuppoq, Neriuffiit Kattuffiata allaffimmua Juliane Dalager (Arnajaraq).



IMMIKKOORTORTAQARFIIT

Inuit ataasiakkaat Neriuffimmut ilaasortaasarput immikkoortortaqarfiiit aqutigalugit. Ilaasortaanermik akiliutit immikkoortortaqarfiiit namminneq aningaasanik kaaviaartitaminni ingerlataraat. Kattuffiup ataatsimeersuarnerani aalajangerneqartarpooq ilaasortaanermi akiliut qanoq atsigissanersoq, ataatsimeersuarnermilu kingullermi aalajangiunneqarpoq ukiumut 50,- kr ilaasortaanermut akiliutaasassasoq, immikkoortortaqarfiiillu Kattuffimmut ilaasortaanerminni 1.800,- kr-nik akiliisassasut. Immikkoortortaqarfiiit arlallit aningasaateeqarfeqarput immikkoortortaaarfip ataani inissisimasunik ilaquaatasut angalaqataanissaannut qinnuteqarfiusinnaasoq. Ukiuni arlalinni ingerlatsisimasoq Neriuffik Aasiaat paasiniaaffigineqarsinnaavoq.

Ukiumoortumik immikkoortortaqarfinni siulittaasut oqarasuaatikkut ataatsimeeqatigineqartarput Avannaq Kujataalu immikkoortillugit.

Immikkoortortaqarfiiit ukiup ingerlanerani assigiinngitsunik najugaqarfimminni pisoqartitsisarput ingerlatsillillu:

Pingaarnertut ingerlanneqartartup ukiumoortumik nuna tamakkerlugu katersuiniarnermut peqataanerup saniatigut ilaatigut makku ingerlanneqartarput:

Ikumatitalisarluni ingerlaaqatigiinneq – nappaateqartunik naapeqatigiissitsineq – oqallitsitsineq - Kulturimik unnuisornermi peqataaneq – najugaqarfimmi paasisitsiniaaneq – peqqissaaveqarfinnik ataatsimeeqatigarnerit il.il.

Aasianni Unnuk kulturisiорfiusumi Neriuffiup peqataanera:



Aasianni Unnuk Kulturisorfiusumi Neriuffiup peqataanera:

Nuummi peqatigiiffiit ulloqartinnerat

Peqatigiiffiit ulloqartinneqarput ulloq 24. november 2012 Timersortarfissuarmi, Godthåb-hallemi, tassanilu Neriuffik peqataavoq. Ualeq naallugu susoqatitsisoqarpoq peqatigiiffiillu assigijinngitsorpassuit peqataallutik peqatigiiffsik nittarsaallugu paa-sissutissanillu tunioraallutik.



*Neriuffiit Kattuffianni immikkoortortaqarfiiit
ukiumut akiliutigisarpaat 1.800,- kr.
Inuit ataasiakkaat immikkoortortaqarfinnut
ilaasortaanerminni akiliutigisarpaat ukiumut 50,-kr.*

Quppersakkanik nutaanik saqqummersitsineq

Quppersakkanik nutaanik Neriuffik Aasiaat-ni saqqummersitsineq ingerlanneqarpoq, Aasiaat Katersortarfiani ulloq Novemberip 26.-ani kikkulluunniit innuttaasut peqataasinnaallutik, aammattaaq peqataapput Politikerit.

		
Quppersakkat nutaat saqqummersinneqartut	Sutugassaqartitsisoqarpoq	Oqallitsitsisoqarpoq

Quppersakkat uku saqqummersinneqarput:

- Amikkut kræfteqarneq
- Illissakkut kræfteqarnaq
- Imerajummi kræfteqarneq (Lymfekræft)
- Tartukkut kræfteqarneq
- Torlukkut kræfteqarneq
- Ataata anaanaluuunniit kræfteqalerpat
- Asasaq toqukkut qimaguppat

Nutserisuuvooq Else Noahsen Olsen

Ilusilersuivoq assiliartalersuillunilu Najaaraq Schmidt , Nuisi Grafik,
Kukkunersiusuuvooq assiliartalersuillunilu Johanne Olsen.

Quppersakkat immikkoortortaqarfinnut, Dr. Ingridip napparsimavissuanut, sinerissami peqqissaavinnut, Qallunaat Nunaanni Kalaallit Peqqissartut Illuannut, Kræftens Bekæmpelsemut, Atuagaateqarfimmum allanullu soqtiginnittunut nassiuussuunneqarput.

TAPISSUTIT LEGATIT

Ukiup ingerlanerani tapiissutit legatit, kræftimik eqqugaasunut qinnuteqarsimasunut tunniunneqartarput nakorsamit uppermarsarneqarlutik atsiornejqarsimasut aallaavigalugit.

Nappaammik siullermeertumik eqqugaasut amerlassusaat peqqinnissaqarfiup allattugaaniittut allaanerulaarneri naatsorsuutigineqassaaq tapiissummik legatimik Neriuffimmut qinnuteqartarneq ilaasa atorneq ajormassuk. Kisianni amerlanerpaat periarfissaq atortarmassuk Neriuffimmi kisitsisit allattugaatigut tutsuiginartuupput Kalaallit Nunaannilu kræftimik napparsimalersartut amerliartornerinik takussutisaallutik. Inummut ataatsimut siullermeertumik aappassaaneertumillu nappaammik kræftimik eqqugaasut qinnuteqartut 3.000,- kr-mik tunineqartarput aammalu meeqqat immikkut 1.500,- kr-nik tunineqartarlutik.

Siullermeersumik tunineqartut

Sumi	Qassit	2011	Qassit	2012
Nuna tamakkerlugu	143	427.500,00 kr	144	430.500,00 kr

Aappassaaneertumik tunineqartut

Sumi	Qassit	2011	Qassit	2012
Nuna tamakkerlugu	14	42.000,00 kr	21	63.000,00 kr
Tapiissutit legatit tunniunneqartut katillugit :	157	427.542,00 kr	160	493.500,00 kr

Tapiissummik legatimik tunisat nalunaarsorneri aallaavigalugit ataani takuneqarsinnaapput kræfteqariaatsit sorliit nappaataanersut aammalu quppernermi tullermi takuneqarsinnaallutik illoqarfinni assigiinngitsuni kræftimik napparsimalersimasut qanoq annertutigineri.

Paasissutissanut qalipaatilinnut paasissutissiivoq oqaloqatiginnittartuni siunnersorti Sara J. Brandt, Aasiaat.

**Paasissutissat immikkut takussutissatut ukiumoortumik nalunaarummut ilanngunneqarput.
Quppernerit marluk kingulliit takukkit.**

KATTUFFIMMUT IMMIKKUT TAPISSUTIT

Ukumi 2012-mi Kattuffimmi aningasaqarniarneq ajunngitsumik ingerlavooq. Ukioq 2012-mi oqaloqatiginnittartunik pikkorissaaneq Tips og Lottomit 30.000,- kr-nik tapiffigineqarpoq, quppersagaliorneq aamma 60.000, kr-nik tapiiffigineqarpoq, allaffissornerlu 75.000,- kr-nik, Paarisamit 150.000,- kr-nik.

Tapiissuteqartut tamaasa qamannga pisumik qutsavigaagut suliniarnitsinnut tapertaalluarmata.

Isertitat sinneri Nalunaarusiami qupp. 8-mi takuneqarsinnaapput.

Kattuffiup naatsorsuutai Deloitte & Touche-kkunnit kukkunersiornejqarsimasut Kattuffiup allaffianit pissarsiarineqarsinnaapput.

NAGGASIUT

Ukioq 2012 Neriuffiit Kattuffini pisimasoqarfiulluartoq taamatut nalunaarusiorfigineqarpoq. Neriuffimmi suliniartut tamaasa qamannga pisumik qutsavigaagut, nappaammik kræftemik eqqugaasut ilaquaasullu

ajunnginnerpaanik tamanik kissaappagut, nappaammik kræftimik napparsimallutik toqukkut qimaguttut eqqarsaatisigut najorpagut eqqaaneqarnerilu ataqquassavagut.

Ukiup tulliani ataatsimeersuarfiusussami Kattuffiup ingerlalluarnissaa kissaatigaarput suliassammi annertunerulersinneqarnissaat pisariaqartinnejartoq nalunannngilaq.

Neriuffiit Kattuffianni siulersuisut sinnerlugit Johanne Olsen, siulittaasoq



NERIUFFIIT KATTUFFIAT

Nappaammik kræftemik akiuiniarfik –

Kræftens Bekæmpelse i Grønland

Aqqusinersuaq 48 A

Box 1546, 3900 Nuuk – Mobil 49 04 89 – Fax 31 25 04

Mail: neriuffik@greennet.gl

Nittartagaq: www.neriuffik.gl

Allaffik nalinginnaasumik suliffiup iluani ammasarpoq.